




სამედიცინო გაზეთი

თბილისის სახელმწიფო სამედიცინო
უნივერსიტეტის გამოცემა
გამოდის 1957 წლიდან
№ 4 (322) აპრილი, 2019 წელი



14 აპრილს საინტერესო ღონისძიებები ჩატარდა მთელი საქართველოს მასშტაბით. თბილისის სახელმწიფო სამედიცინო უნივერსიტეტის სტუდენტობამ, უმაღლესი სასწავლებლების ათასობით მონაწილესთან ერთად, ქალაქში დაგეგმილ ღონისძიებებში აქტიური მონაწილეობა მიიღო. თსსუ-ის დიპლომირებული მედიკოსის ამერიკული პროგრამის სტუდენტებმა ქართული ენის დღე განსაკუთრებული პატივისცემით აღნიშნეს.

336



9 აპრილის მოვლენებიდან 30 წელი გავიდა. თსსუ-ის სტუდენტებთან და კურსდამთავრებულებთან ურთიერთობის სამსახურის და სტუდენტური თვითმმართველობის ორგანიზებით, სტუდენტები ეწვივნენ მედიცინის ისტორიის მუზეუმს, სადაც 9 აპრილისადმი მიძღვნილი შეხვედრა მოეწყო. შემდეგ კი თბილისის სახელმწიფო სამედიცინო უნივერსიტეტის წარმომადგენლებმა 9 აპრილის მემორიალი ყვავილებით შეამკეს.

338

თბილისის სახელმწიფო სამედიცინო უნივერსიტეტის კულტურის ცენტრთან არსებული სიმღერის და ცეკვის სახალხო ანსამბლ „ქართული ფოლკლორის“ წარმატებები ჩვენს ქვეყანასა და უცხოეთში კარგადაა ცნობილი. ამჯერად ანსამბლმა წარმატებული კონცერტები ამერიკის შეერთებულ შტატებში გამართა.

335



ამერიკის შეერთებული შტატების საელჩოს მოწვევით, პროექტის – „ამერიკული მუსიკა საზღვარგარეთ“ – ფარგლებში საქართველოს ესტუმრა ამერიკელი მუსიკოსი და კომპოზიტორი, ტონი მემელი, რომელმაც პირველი კონცერტი თბილისის სახელმწიფო სამედიცინო უნივერსიტეტში გამართა.

338

ვიზიტი ინსბრუკის სახელმწიფო უნივერსიტეტსა და ინსბრუკის უნივერსიტეტში (ავსტრია)



26 მარტიდან 30 მარტის ჩათვლით, თსსუ-ის რექტორი, პროფესორი ზურაბ ვადაჭკორია და რექტორის აპარატის უფროსი, ირინა კაპეტიაძე, სამუშაო ვიზიტით იმყოფებოდნენ ქალაქ ინსბრუკში (ავსტრია).

ვიზიტის ფარგლებში, გაიმართა შეხვედრა ინსბრუკის სახელმწიფო სამედიცინო უნივერსიტეტის რექტორთან, პროფესორ ვოლფგანგ ფლაიშჰაკერთან, ინსბრუკის სახელმწიფო სამედიცინო უნივერსიტეტის ვიცე-რექტორთან საერთაშორისო ურთიერთობებისა და სამედიცინო მიმართულების საკითხებში, პროფესორ ქრისტინე ბანდლოვთან და უცხოეთთან ურთიერთობის დეპარტამენტის ხელმძღვანელთან, ქალბატონ საბინა ედლინგერთან. შეხვედრის მიზანი იყო ორ სახელმწიფო სამედიცინო უნივერსიტეტს შორის მემორანდუმის საკითხების განხილვა და შემდეგი სამუშაო შეხვედრის დროს ურთიერთთანამშრომლობის მემორანდუმის გაფორმება. საუბარი შეეხო სტუდენტების საზაფხულო გაცვლით პროგრამებში მონაწილეობას, ერაზმუს+-ის პროექტში ჩართულობას, აგრეთვე, ერთობლივი სამედიცინო სამუშაოების წარმოებას, ტელემედიცინის სამსახურის გამართვას, თსსუ-ის საუნივერსიტეტო კლინიკის ექიმების სტაჟირებას ინსბრუკის სამედიცინო უნივერსიტეტის საუნივერსიტეტო კლინიკებში.

ვიზიტის ფარგლებში, შედგა სამუშაო შეხვედრა ინსბრუკის უნივერსიტეტის რექტორთან, პროფესორ ტილმან მერკთან და საერთაშორისო სერვისების ხელმძღვანელთან, ქალბატონ ბარბარა ტასსერთან. დაიგეგმა მემორანდუმის გაფორმება თბილისის სახელმწიფო სამედიცინო უნივერსიტეტსა და ინსბრუკის უნივერსიტეტს შორის.



საინტერესო და მნიშვნელოვანი შეხვედრა გაიმართა ინსბრუკის უნივერსიტეტის ანალიტიკური ქიმიისა და რადიოქიმიის ინსტიტუტის ხელმძღვანელ, პროფესორ გიუნტერ ბონთან და ფარმაციის დეპარტამენტის ხელმძღვანელთან. დაიგეგმა გაცვლითი პროექტები და ერთობლივი სამედიცინო თანამშრომლობის პროგრამები თსსუ-ის ფარმაციის ფაკულტეტის სტუდენტების და აკადემიური პერსონალისთვის.

აღსანიშნავია, რომ შეხვედრებში მონაწილეობდა თსსუ-ის საპატიო დოქტორი, ინსბრუკის სამედიცინო უნივერსიტეტის საუნივერსიტეტო კლინიკის სხივური თერაპიისა და რადიოკოლოგიის ცენტრის უფროსი ექიმი, ქალბატონი ირმა კვიციანიძე, რომელსაც დიდი წვლილი მიუძღვის თბილისის სახელმწიფო სამედიცინო უნივერსიტეტსა და ინსბრუკის უნივერსიტეტს შორის მჭიდრო ურთიერთთანამშრომლობის განვითარებაში.

თბილისის სახელმწიფო სამედიცინო უნივერსიტეტის დელეგაციის ვიზიტმა ინსბრუკის სამედიცინო უნივერსიტეტსა და ინსბრუკის უნივერსიტეტში წარმატებით ჩაიარა.



საქართველო განათლების მსოფლიო ფორუმის კონფერენციაზე



ლტის მსოფლიო ფედერაცია უმნიშვნელოვანესი ორგანიზაციაა, რომელიც აქტიურად ზრუნავს სამედიცინო განათლების ხარისხის ამაღლებაზე მსოფლიოს მასშტაბით, წარმართავს განათლების სტანდარტების შემუშავებისა და განახლების უწყვეტ პროცესს. მისი სააგენტოები ახორციელებენ სამედიცინო პროგრამების შესწავლასა და მათთვის საერთაშორისო აკრედიტაციის მინიჭებას. სასიხარულოა, რომ 2018 წელს საქართველოს განათლების ხარისხის განვითარების ეროვნულმა ცენტრმა აღიარება მოიპოვა სამედიცინო განათლების მსოფლიო ფედერაციის მხრიდან, რაც იმას ნიშნავს, რომ ცენტრის მიერ აკრედიტებულ მედიცინის საგანმანათლებლო პროგრამებს საერთაშორისო აღიარება ექნებათ.

კონფერენციაზე მრავალი საჭირობო თემა იქნა განხილული, როგორც დიპლომათი, ისე სარეზიდენტო და უწყვეტი სამედიცინო განათლების ხარისხის გაუმჯობესების მიზნით. კონფერენციაზე პროფესორმა გაიანე სიმონიამ წარმოადგინა პრეზენტაცია „საქართველოში საბაზისო სამედიცინო განათლების სტანდარტების განვითარება“.



თბილისის სახელმწიფო სამედიცინო უნივერსიტეტის დელეგაციამ მონაწილეობა მიიღო სამედიცინო განათლების მსოფლიო ფედერაციის (WFME) 2019 წლის საერთაშორისო კონფერენციაში, რომელიც 7-10 აპრილს გაიმართა სამხრეთ კორეის დედაქალაქ სეულში. კონფერენციაში მონაწილეობდნენ თსსუ-ის კანცლერი, პროფესორი ზურაბ ორჯონიკიძე, ვიცე-რექტორი, პროფესორი ხათუნა თოდაძე, სამედიცინო განათლების, კვლევის და სტრატეგიული განვითარების დეპარტამენტის ხელმძღვანელი, პროფესორი გაიანე სიმონია და დიპლომირებული მედიკოსის ამერიკული პროგრამის თანახელმძღვანელი, ემორის უნივერსიტეტის სამედიცინო სკოლის წარმომადგენელი არჩილ უნდილაშვილი.

პროფესორებმა ზურაბ ორჯონიკიძემ და ხათუნა თოდაძემ, საქართველოში უმაღლესი სამედიცინო განათლების განვითარების პროცესში შეტანილი წვლილისთვის, სამედიცინო განათლების მსოფლიო ფედერაციის პრეზიდენტს, პროფესორ დევიდ გორდონს, გადასცეს უნივერსიტეტის აკადემიური საბჭოს მიერ მისთვის მინიჭებული თსსუ-ის საპატიო დოქტორის წოდების დამადასტურებელი სერტიფიკატები.

აღსანიშნავია, რომ სამედიცინო განათ-

ევროპის უნივერსიტეტთა ასოციაციის კონფერენცია



11-12 აპრილს თბილისის სახელმწიფო სამედიცინო უნივერსიტეტის კანცლერი, პროფესორი ზურაბ ორჯონიკიძე და ვიცე-რექტორი, პროფესორი რიმა ბერიაშვილი, ოფიციალური ვიზიტით იმყოფებოდნენ საფრანგეთში, ქ. პარიზში, სადაც მონაწილეობა მიიღეს ევროპის უნივერსიტეტთა ასოციაციის ყოველწლიური კონფერენციის მუშაობაში. კონფერენციის მთავარი თემა იყო – „ინოვაციების ხელშეწყობა ევროპის უნივერსიტეტებში“. პლენარული მოხსენებები ძირითადად მიეძღვნა უნივერსიტეტების პასუხისმგებლობას ტექნიკური, სამედიცინო, საგანმანათლებლო ინოვაციების ხელშეწყობისა და განვითარების საქმეში.

კონფერენცია ჩატარდა სორბონის უნივერსიტეტში. კონფერენციაზე საპროგრამო მოხსენებით წარსდგა ევროპის უნივერსიტეტთა ასოციაციის პრეზიდენტი, პროფესორი როლფ ტარანი. კონფერენციის მონაწილეებს მიესალმნენ: სორბონის უნივერსიტეტის პრეზიდენტი, ჟან შამბაზი, ევროკომისიის გენერალური დირექტორი კვლევისა და ინოვაციების დარგში, ჟან-ერიკ პაქეტე.

როგორც ევროპის უნივერსიტეტთა ასოციაციის სრულყოფილი ბიანო წევრმა, თბილისის სახელმწიფო სამედიცინო უნივერსიტეტმა მონაწილეობა მიიღო გენერალურ ანსამბლეაში, სადაც კენჭისყრის გზით აირჩიეს ევროპის უნივერსიტეტთა ასოციაციის ახალი პრეზიდენტი, პროფესორი მაიკლ მარფი და საბჭოს ექვსი ახალი წევრი.

კონფერენციას ესწრებოდა საქართველოს განათლების ხარისხის განვითარების ეროვნული ცენტრის დირექტორი, გიორგი ვაშაქიძე. კონფერენციის მუშაობაში მონაწილეობა მიიღო ემორის უნივერსიტეტის მედიცინის სკოლის საგანმანათლებლო პროგრამების დირექტორმა, თსსუ-ის დიპლომირებული მედიკოსის ამერიკული პროგრამის ხელმძღვანელმა, არჩილ უნდილაშვილმა.



სტუდენტური კონფერენცია



კონფერენცია, რომელიც 5 აპრილს ჩატარდა, ერთი წლის წინ დაიგეგმა, მას ხელმძღვანელობდნენ თბილისის სახელმწიფო სამედიცინო უნივერსიტეტის ფარმაციის ფაკულტეტის სტუდენტები, იოველ ქუთათელაძის ფარმაცოქიმიის ინსტიტუტი და ივ. თარხნიშვილის სახელობის სტუდენტთა სამეცნიერო საზოგადოება.

კონფერენციაზე წარსადგენ თემებზე სტუდენტებთან მუშაობდნენ ფარმაციის ფაკულტეტის სასწავლო დეპარტამენტების აკადემიური პერსონალი: პროფესორები თამაზ მურთაზაშვილი, ასოცირებული პროფესორი ლუიზა გურაშვილი, ასისტენტ-პროფესორი ნინო იმნაძე, ფარმაცოქიმიის ინსტიტუტის ხელმძღვანელი, ასოცირებული პროფესორი ნანა გორგასლიძე, მეცნიერ-თანამშრომლები: ბელა კიკაულიშვილი, ქეთევან შალაშვილი, ნინო ვაჩნაძე, მანანა ორჯონიკიძე.

კონფერენციაზე წარმოდგენილი თემები აქტუალურ და პრობლემურ საკითხებს შეეხებოდა; მომავალმა ფარმაცევტებმა საინტერესოდ წარმოად-

გინეს შემდეგი საკითხები: „ფარმაცოქიმიის დამზადება – წამლის გვერდითი ეფექტების მონიტორინგის ეფექტური იარაღი“, „წამლის ფარმაცოქინეტიკის თავისებურებები ორსულობისა და ლაქტაციის პერიოდში“, „ნიკოტინისა და ალკოჰოლის გავლენა წამლის ფარმაცოქინეტიკაზე“ და მრავალი სხვა.

კონფერენცია – „ჯანმრთელობა და წამალი“ სტუდენტთა აქტიურობით გამოირჩეოდა. ღონისძიების მხარდამჭერი იყო თსსუ-ის სტუდენტებთან და კურსდამთავრებულებთან ურთიერთობის სამსახური და ფარმაცევტული კომპანია – „PSP“, რომლის წარმომადგენლებმა სარეკლამო გეგმას სტუდენტებს, მონაწილეებს დაურიგდით სერტიფიკატები. კონფერენციის შედეგები შეაჯამა ფარმაციის ფაკულტეტის დეკანმა, პროფესორმა დალი ბერაშვილმა და აღნიშნა, რომ ასეთი კონფერენცია ყოველწლიურად გამართება და ტრადიციულ სახეს მიიღებს.



„ორშაბათი მძიმე ღია“

სწავლასთან ერთად, სახალისო ვიქტორინები, ლაშქრობები, სპორტული თუ კულტურული ღონისძიებები სტუდენტური ცხოვრების განუყოფელი ნაწილია. დასვენების დღეების შემდეგ, ორშაბათის დღის დაწყება ადამიანების უმრავლესობას უჭირს. თსსუ-ის სტუდენტურმა თვითმ-

მართველობამ ახალი პროექტი დაგეგმა – ორშაბათის ვიქტორინები, მასში მონაწილე მარტივ კითხვებზე პასუხის გაცემით პრიზებით დასაჩუქრდებიან. პროექტის ორგანიზატორები აღნიშნავენ, მიზანი მარტივია: გავაფრადოთ ორშაბათი, რადგანაც ახალი კვირა ურთიერთობით და სიურპრიზებით იწყება.

სპორტული ფესტივალის დღიანი



თბილისის სახელმწიფო სამედიცინო უნივერსიტეტის ახალგაზრდები მხოლოდ სწავლით როდი გამოირჩევიან – ისინი არაერთი საინტერესო და მრავალფეროვანი ღონისძიების ინიციატორებად და განმახორციელებლად გვევლინებიან. თსსუ-ის სტუდენტური თვითმმართველობის ორგანიზებით, სტარტი აიღო სპორტულმა ფესტივალმა – „LUDUS“-მა, რომელიც სპორტის მრავალ სახეობას მოიცავს და მასში ყველა ფაკულტეტის სტუდენტები მონაწილეობენ.

პაპაშვილი, ნინო ძინძიბაძე; მეორე ადგილზე – გუნდი „რეაბილიტაცია“ (თედო ჭელიძე, საბა გელაშვილი, საბა ფესვიანიძე, მერი კურტანიძე); მესამეზე – „ფარმა“ (თორნიკე ჭელიძე, ნიკოლოზ ოგბაძე, სანდრო გოჩიტაშვილი, ანი თვალაბეიშვილი).

2 აპრილს, ფესტივალის ეგიდით, ჩატარდა შეჯიბრი ორდროშობანაში. ხალისიან პაექრობაში ყველა ფაკულტეტის სტუდენტი მონაწილეობდა. გამოვლინდნენ გამარჯვებული გუნდები და მოთამაშეები. საპრიზო ადგილებიც შემდეგნაირად განაწილდა:

ფესტივალის ფარგლებში, სათამაშო ზონა – GAME WORLD-ის ხელშეწყობით, ჩატარდა შეჯიბრი FIFA-19-ში, რომელშიც მონაწილეობდა თსსუ-ის ყველა ფაკულტეტის 32 სტუდენტი. საპრიზო ადგილები დაიკავეს ბაკო გვენცაძემ, ირაკლი ქოჩიაშვილმა, დავით ხოზრევანიძემ.

პირველ ადგილზე გავიდა გუნდი – „მეფე“ (გიორგი ამალაბიძე, გიგი გობაჯა, გუკა

14 აპრილს, ჩატარდა ტურნირი ბილარდში. პირველი, მეორე და მესამე ადგილები სტომატოლოგიის და მედიცინის ფაკულტეტის სტუდენტებმა: ალექსანდრე გეორგიანიამ, გიორგი ამალაბიძემ, გიორგი რაქვიაშვილმა მოიპოვეს.



სუფთა და ჯანსაღი გარემოსთვის

თსსუ-ის სტუდენტური თვითმმართველობის ხელმძღვანელობით, 7 აპრილს, ჯანმრთელობის საერთაშორისო დღესთან დაკავშირებით, დღის მასივის მიმდებარე ტერიტორიაზე მოეწყო დასუფთავების აქცია, რომელშიც მონაწილეობდნენ თსსუ-ის სტუდენტები, ადმინისტრაციის

წარმომადგენლები, გივი ფვანიას სახელობის პედიატრიის აკადემიური კლინიკის თანამშრომლები. თსსუ-ის ვიცე-რექტორმა, პროფესორმა ირაკლი კობრიძემ, მხარდაჭერა გამოუცხადა აღნიშნულ აქციას და პროექტში მონაწილეობის მისაღებად გამოიწვია: ივანე ჯავახიშვილის სახელობის თბი-

ლისის სახელმწიფო უნივერსიტეტი, პეტრე შოთაძის სახელობის თბილისის სამედიცინო აკადემია, საქართველოს ეროვნული უნივერსიტეტი – სეუ.

პროექტი აპრილის ბოლომდე გაგრძელდება. ერთად შევხვდეთ დედაქალაქის დღეს სუფთა და ჯანსაღ გარემოში.



„აუტიზმი – პაზი, რომელიც ერთად უნდა ავაწყოთ“



2 აპრილს, აუტიზმის შესახებ ცნობადობის ამაღლების მსოფლიო დღესთან დაკავშირებით, თბილისის სახელმწიფო სამედიცინო უნივერსიტეტის სტუდენტური თვითმმართველობის ინიციატივით, ჩატარდა საინფორმაციო კამპანია დევიზით: „აუტიზმი – პაზი, რომელიც ერთად უნდა ავაწყოთ“.

კამპანიის მონაწილეებმა დაარიგეს ბროშურები. საინტერესო შეხვედრა გაიმართა თბილისის ახალგაზრდული ცენტრების გაერთიანებაში. აუტიზმის – „მთავარანგელოზ გაბრიელისა და პეტრე მოციქულის სახელობის ფონდის“ ხელმძღვანელობით თსსუ-ის სტუ-

დენტები შეხვდნენ აუტიზმის სპექტრის მქონე ბავშვებს და მათ მშობლებს. სტუდენტები გაეცნენ ფონდის საქმიანობას, ითქვა, რომ სშირად აუტიზმი და აუტიზტური სპექტრის აშლილობები ჩაკეტილობასა და სოციალური უნარების არქონასთან არის დაკავშირებული, რომლის მთავარი მახასიათებელი კომუნიკაციური სირთულეებია და მისი მოგვარება საზოგადოების ცნობიერების ამაღლება და ამ სპექტრის მქონე პირთა საზოგადოებაში ინტეგრირებაა. შეხვედრაზე ისაუბრეს ასეთ პირთა უფლებების შესახებაც.

სტუდენტები გაეცნენ ფონდის საქმიანობას, გამოითქვა სამომავლო შეხვედრების და თანამშრომლობის სურვილი.

კინოკლუბმა უმასპინძლა

თსსუ-ის სტუდენტურმა თვითმმართველობამ და კინოკლუბმა – „MEDI CINEMA“-მ „ცისფერ დარბაზში“ მორიგ კინოჩვენებას უმასპინძლა. მაყურებელმა იხილა ლეგენდარული რეჟისორის, ჯიმ ჯარმუშის 2013 წლის ფილმი – „მხოლოდ საყვარლები გადარჩებიან“.



15 აპრილიდან, ყოველ ორშაბათს, სტუდენტებს „სამეფო კარის თამაშის“ ახალი სეზონის სერიების ხილვის საშუალება ეძლევათ. ახალგაზრდები მოხარულნი არიან, რომ სწავლის შემდეგ აქ-

ტიური დასვენების საშუალება ეძლევათ, რასაც კომფორტული გარემოც უწყობს ხელს. კინოკლუბი მომავალშიც გააზარებს მაყურებელს საინტერესო ფილმებით.

გვერდი მოამზადა თბილისის სახელმწიფო სამედიცინო უნივერსიტეტის ფარმაციის ფაკულტეტის მე-2 სემესტრის სტუდენტმა ლიკა დემურიშვილმა

„ქართული ფოლკლორის“ ტრიუმფი ამერიკაში

თბილისის სახელმწიფო სამედიცინო უნივერსიტეტის კულტურის ცენტრთან არსებული სიმღერის და ცეკვის სახალხო ანსამბლ „ქართული ფოლკლორის“ (ხელმძღვანელი — ბადრი მაჭავარიანი, მთავარი ქორეოგრაფი — დავით უგრეხელიძე, ქორეოგრაფი ინეზა კუპრეიშვილი, ლობჯანიძე — დავით რატიანი (უმცროსი), ხალხურ საკრავთა ჯგუფის ხელმძღვანელი — დავით რატიანი) წარმატებები ჩვენს ქვეყანასა და უცხოეთში კარგადაა ცნობილი არა მხოლოდ ჩვენი გაზეთის მკითხველისთვის. ევროპაში ანსამბლმა ბევრჯერ ასახელა სამშობლო და საყვარელი უნივერსიტეტი, თუმცა ქვეყანა, სადაც, მიზეზთა სხვათა და სხვათა გამო, წლების მანძილზე ვერ მოხერხდა გამგზავრება და სადაც წარმატებულ კონცერტებზეც ოცნებობდა ანსამბლი, ამერიკის შეერთებული შტატები გახლდათ. და აი, სულ ახლახან, ამ ოცნების ახდენა, უნივერსიტეტის ხელმძღვანელობის ძალისხმევით, შესაძლებელი გახდა.

აღსანიშნავია, რომ ჯერ კიდევ ორი წლის წინ „ქართული ფოლკლორის“ კონცერტს თბილისის სახელმწიფო სამედიცინო უნივერსიტეტში დაესწრნენ ემორის უნივერსიტეტის პროფესორი, თსუ-ის საპატიო დოქტორი, თბილისის და საქართველოს საპატიო მოქალაქე, კენეტ ვოლკერი და თსუ-ის დიპლომირებული მედიკოსის ამერიკული პროგრამის და ემორის უნივერსიტეტის მედიცინის სკოლის საგანმანათლებლო პროგრამების დირექტორი არჩილ უნდილაშვილი. სწორედ მათი მხრიდან, ჯერ კიდევ მაშინ, გამოითქვა სურვილი საგასტროლოდ ანსამბლის ამერიკაში გასამგზავრებლად. **სიმბოლურია, რომ პროფესორ კენ ვოლკერის გარდაცვალებიდან ერთი წელი, თსუ-ის ხელმძღვანელობის დამსახურებით, ანსამბლმა ატლანტაში, ემორის უნივერსიტეტში, წარმატებული კონცერტებით აღნიშნა.**

სამშობლოში დაბრუნების შემდეგ გავსაუბრეთ თსუ-ის კულტურის ცენტრის დირექტორს და ცენტრთან არსებული სიმღერის და ცეკვის სახალხო ანსამბლის ხელმძღვანელს, **ბადრი მაჭავარიანს** და ხალხურ საკრავთა ჯგუფის ხელმძღვანელს — **დავით რატიანს**.

როგორც მათ აღნიშნეს, იმდენად დიდი იყო სურვილი და მოტივაცია, რომ წინასწარ გასტროლო სამზადისი, რომელსაც, თავისი სირთულეები ახლდა, უმნიშვნელო და ადვილად გადასალახი აღმოჩნდა — მათ ხომ მსოფლიოს ზეგანვითარებული ქვეყანა უნდა გაეოცებინათ ქართული კულტურით, რასაც წარმატებით გაართვეს თავი...

ბადრი მაჭავარიანი:
ემორის უნივერსიტეტის მარგარეტ ტილორის სახელობის დარბაზი, რომელშიც ხშირად იმართება კონცერტები და შემოქმედებითი ღონისძიებები, მაყურებელს ვერ იტყვია. საპატიო სტუმრებს შორის იყვნენ ემორის უნივერსიტეტის დეკანი, პროფესორი ვიკას სუკატაძე, აღმასრულებელი დეკანი, პროფესორი ბილ ილი, ემერიტუს დეკანი, პროფესორი კლაუდია ადკინსონი, ასისტენტ-დეკანი გორდონ ჩარჩორდი და სხვები. კონცერტის ფინალში ჟღერდა ამერიკის შეერთებული შტატების და საქართველოს ჰიმნი, რამაც დიდი შთაბეჭდილება მოახდინა მაყურებელზე. დასასრულს, ემორის უნივერსიტეტის მედიცინის სკოლის ასისტენტ-დეკანს, პროფესორ გორდონ ჩარჩორდს, თსუ-სთან ნაყოფიერი თანამშრომლობისა და ანსამბლის აშშ-ში მასპინძლობის აღსანიშნავად, სიმბოლური საჩუქარი გადაეცით.

განსაკუთრებით უნდა აღინიშნოს ატლანტაში გამართული დასკვნითი კონცერტის შესახებ, რომელიც ატლანტის ისტორიულ საზოგადოებრივ კლუბში (Capital City Club), ამერიკულ ცათამბჯენებს შორის

არქიტექტურული სტილით და დიზაინით გამორჩეულ შენობაში, კლუბის მთავარ, ყველაზე დიდ დარბაზში გაიმართა, სადაც მონვეულ სტუმრებს შორის იყვნენ ჯორჯიის შტატის სახელმწიფო მედიკოსები, პროფესორები, ატლანტის რჩეული საზოგადოება. კონცერტმა დიდი შთაბეჭდილება მოახდინა შეკრებილ საზოგადოებაზე, რომელიც მისი დასრულების შემდეგ, თითქმის ორი საათის განმავლობაში, არ ტოვებდა დარბაზს და აღფრთოვანებას ვერ ფარავდა.

ანსამბლის ყველა წევრი დაჯილდოვდა ემორის უნივერსიტეტის სპეციალური სერტიფიკატით, რაც სასიხარულო იყო ყველასთვის.

ამაღლეველები იყო კონცერტის შემდეგ შეხვედრები ქართული დიასპორის წარმომადგენლებთან, რომლებიც ემოციებს ვერ მალავდნენ.

წარმატებულ კონცერტებს მოჰყვა სარეკლამო გადაღებები ატლანტის ბუნებაში, ქალაქის მთაზე, ასევე, ქალაქის ცენტრში მდებარე ისტორიული სახლის სახურავზე, რომლითაც, უნიკალური დიზაინის და ინტერიერის წყალობით, არაერთხელ დაინტერესებულან ჰოლივუდის რეჟისორები, რაც მათ მიერ გადაღებული ფილმებშიც დასტურდება. აღნიშნულ გადაღებებში დიდი წვლილი შეიტანეს თსუ-ის საზოგადოებასთან ურთიერთობის სამსახურის თანამშრომელმა, სპარტაკ მერკვილაძემ და ამერიკის შეერთებულ შტატებში მცხოვრებმა რეჟისორმა ნიკა ქვეციშვილმა.

ამ პერიოდის განმავლობაში ანსამბლის ყველა წევრი უზრუნველყოფილი იყო საუკეთესო პირობებით. ამავე დროს, სტუდენტებს შესაძლებლობა მიეცათ ემორის უნივერსიტეტში დასწრებით ლექცია-სემინარებს, რამაც დიდი შთაბეჭდილება მოახდინა თითოეულ მათგანზე.

ჩვენი ანსამბლის გამგზავრების ორგანიზებასა და ანსამბლის წარმატებულ გამოსვლებში განსაკუთრებული წვლილი მიუძღვის ემორის უნივერსიტეტის მედიცინის სკოლის საგანმანათლებლო პროგრამების დირექტორს, ბატონ არჩილ უნდილაშვილს და მისი ოჯახის წევრებს, რომლებმაც დიდი შრომა გასწიეს და ნუთითაც არ ტოვებდნენ ანსამბლის წევრებს უყურადღებოდ. მათი ორგანიზებით მოხერხდა კონცერტის წინ ქართული გარემოს და სასიამოვნო ატმოსფეროს შექმნა, ბატონი არჩილის მონაწილეობით და ძალისხმევით დაიბეჭდა და დარიგდა სპეციალური ბუკლეტები და მაყურებელს შესაძლებლობა მიეცა, კონცერტის პროგრამასა და ანსამბლის მოკლე ისტორიასთან ერთად, საქართველოს რუკაც ენახა, სადაც აფხაზეთი და ოსეთი მონიშნული იყო როგორც რუსეთის მიერ ოკუპირებული ტერიტორიები. აქვე აღვნიშნავ თსუ-ის დიპლომირებული მედიკოსის ამერიკული პროგრამის დირექტორის მოადგილის, **ნინი ზარდიაშვილის**, უდიდესი თანადგომის შესახებ, როგორც ვიზების მიღებისას, ისე ამერიკაშიც.

დაბოლოს, მინდა ვთქვა, რომ ხელოვნებაში ჩემი 35 წლიანი საქმიანობის განმავლობაში, ეს გახლდათ ყველაზე მნიშვნელოვანი და დასამახსოვრებელი საგასტროლო ტურნე ანსამბლისთვის, რისთვისაც, ცენტრის და ანსამბლის წევრთა სახელით, განსაკუთრებული მადლობა მინდა გადაუხადო თბილისის სახელმწიფო სამედიცინო უნივერსიტეტის რექტორს, პროფესორ **ზურაბ ვადაჭკორიას**, კანცლერს, პროფესორ **ზურაბ ორჯონიკიძეს**, წამომადგენლობით საბჭოს, სტუდენტურ თვითმმართველობას თანადგომისთვის, რამაც შესაძლებელი გახდა ანსამბლის გამგზავრება და წარმატებული გამოსვლები ამერიკის შეერთებულ შტატებში...

დავით რატიანი:
სიტყვები არ მყოფნის, მართლაც იმდე-



ნატო ბოლქვაძე

საქართველოს მედიკოს სტუდენტთა ასოციაციაში



საქართველოს მედიკოს სტუდენტთა ასოციაციის (GMSA) ეგიდით, საქართველოს მასშტაბით პირველი ეროვნული შეჯიბრი – InSimu Virtual Patient – ჩატარდა. თითოეულ მონაწილეს საშუალება ჰქონდა, ჰყოლოდა ვირტუალური პაციენტი და დაესვა დიაგნოზი, რაც შეიძლება, მოკლე დროში, იაფად და არაინფაზიური ტესტების საშუალებით.

შეჯიბრში ჩართული იყო თბილისის სახელმწიფო სამედიცინო უნივერსიტეტი, თბილისის სახელმწიფო უნივერსიტეტი, დავით ტვილდიანის სამედიცინო უნივერსიტეტი, თბილისის სამედიცინო აკადემია, ევროპის უნივერსიტეტი, დავით აღმაშენებლის უნივერსიტეტი და ნიუ ვიუენის უნივერსიტეტი. კონკურსი მოიცავდა ორ ეტაპს; პირველ ეტაპზე თითოეული უნივერსიტეტიდან აირჩა პირველი 10 სტუდენტი, ხოლო მეორე ეტაპზე – უნივერსიტეტთა შორის – პირველი სამი სტუდენტი, რომელთაც გადაეცათ სერტიფიკატი და დაჯილდოვდნენ პრიზებით.



დაიგეგმა მასტერკლასები ნეიროქირურგიასა და კარდიოქირურგიაში. სტუდენტებს საშუალება ექნებათ, სამი თვის განმავლობაში იმუშაონ ისეთ პროფესიონალებთან,



როგორებიც არიან, პროფესორები - ედიშერ მაღალაშვილი და ლევან ქარაზანაშვილი. ორი ეტაპის გავლის შემდეგ, თითოეული მასტერკლასისთვის, ათეულობით სტუდენტისაგან შეირჩა 15-15 კაცი. მათ, პროექტის ფარგლებში, შეეძლება შესაბამის დარგში მიიღონ, როგორც თეორიული, ასევე, პრაქტიკული ცოდნა. სტუდენტები მოამზადდნენ თემებს და წარადგინენ პროექტის დასასრულს გამართულ კონფერენციაზე.



თბილისის სახელმწიფო სამედიცინო უნივერსიტეტში ტარდება ლექციათა ციკლი, რომლის ფარგლებშიც მონვეული ექიმები საუბრობენ მათ დარგში არსებულ მთავარ თემებზე. ეს საშუალებას აძლევს სტუდენტებს, გაეცნონ კონკრეტულ სფეროში არსებულ უახლეს და მნიშვნელოვან საკითხებს. ასეთი ტიპის ლექციათა ციკლი ჩატარდა პირველად, რამაც სტუდენტთა მხრიდან ძალიან დიდი მონონება დაიმსახურა.



პროექტის ფარგლებში მონვეული ნეიროქირურგი ედიშერ მაღალაშვილი, პლასტიკური ქირურგი გუგა ქაშიბაძე, კარდიოქირურგი ზვიად ბახუტაშვილი და



რეპროდუქტოლოგი არსენ გვენეტაძე. უახლეს მომავალში იგეგმება დავით გაგუას და ალექსანდრე თავართქილაძის საჯარო ლექციები.

თბილისის სახელმწიფო სამედიცინო უნივერსიტეტში ჩატარდა ლექციათა ციკლი – „sagittas“. პროექტის მიზანია, სტუდენტს დაეხმაროს კონკრეტული სამედიცინო დარგის არჩევანში. სწორედ ამ უმნიშვნელოვანესი გადწყვეტილების მიღებისთვის თსუ-ში მონვეულმა პროფესორებმა: არსენ გვენეტაძემ, ივა კუზანოვმა, კახა ჭელიძემ, ლევან ხარაშვილმა და ედიშერ მაღალაშვილმა ისაუბრეს თემაზე – „ნეტავ ადრე მცოდნოდა“. გამომსვლელები შეეცადნენ, თავიანთი სპეციალობის, როგორც დადებით, ისე უარყოფით მხარეზე გაემახვილებინათ ყურადღება, რათა მათ მომავალ კოლეგებს საშუალება ჰქონოდათ სწორად აირჩიონ კონკრეტული სპეციალობა და ჩამოყალიბდნენ წარმატებულ ექიმებად.



საქართველოს მედიკოს სტუდენტთა ასოციაციის ეგიდით, გაზაფხულის სემესტრში დაიწყო სტუდენტთა რეგისტრაცია USMLE-ის მოსამზადებელი კურსისთვის. შექმნილ ჯგუფებს ყოველკვირეულად შეხვედებიან თსუ-ის მაღალკურსელები, რომლებიც თავიანთ გამოცდილებას გაუზიარებენ მათ და მისცემენ მიმართულებას ამა თუ იმ საგნის მომზადებისთვის.

კურსი მოიცავს ბიოქიმიისა და მიკრობიოლოგიის კლასებს, რომლის დასრულების შემდეგ პროექტი გაგრძელდება ბაზისური და სისტემური საგნებით.

პროექტის ავტორები – თსუ-ის სტუდენტები: ბიორაზი ჩილინაძე, ნინო გოჩელაშვილი, ლაშა მიქაძე, ნიკოლოზ ავაზაშვილი (საქართველოს მედიკოს სტუდენტთა ასოციაცია).

14 აპრილი – ღვთის დღე

14 აპრილს საქართველოში ქართული ენის დღე აღინიშნა, დღე, რომელიც 1978 წლის 14 აპრილის ცნობილი მოვლენების უკვედასაყოფად დანესდა. მაშინ, თბილისში, ქართული ენის დასაცავად, რუსთაველის მოედანზე, მთავრობის სასახლესთან, უამრავმა ადამიანმა მოიყარა თავი – სტუდენტებმა, ინტელიგენციამ, მოსწავლეებმა... მრავალათასიანმა საპროტესტო გამოსვლამ ხელისუფლება აიძულა, უარი ეთქვა საკონსტიტუციო ცვლილებაზე, რომელიც ქართულ ენას სტატუსს უკარგავდა. ეს იყო ერთადერთი უსისხლო აქცია, რომელმაც გამარჯვება მოიტანა.


მას შემდეგ 40 წელი გავიდა. 14 აპრილს, საინტერესო დონისძიებები ჩატარდა მთელი საქართველოს მასშტაბით. თბილისის სახელმწიფო სამედიცინო უნივერსიტეტის სტუდენტებმა, უმაღლესი სასწავლებლების ათასობით მონაწილესთან ერთად, ქალაქში დაგეგმულ ღონისძიებებში აქტიური მონაწილეობა მიიღო.

თსუ-ის დიპლომირებული მედიკოსის ამერიკული პროგრამის სტუდენტებმა ქართული ენის დღე განსაკუთრებულად აღნიშნეს. საკუთარი ხელით ქართულ ენაზე

დამზადებული ნამუშევრებით გულწრფელი სიყვარული და პატივისცემა გამოხატეს საქართველოს და თბილისის სახელმწიფო სამედიცინო უნივერსიტეტის მიმართ: „მადრი მქვია, ინდოეთიდან ვარ, ლამაზი ქვეყანაა საქართველო. ბედნიერი ვარ სამედიცინო უნივერსიტეტის სტუდენტი რომ ვარ და ქართულ ენას ვსწავლობ“, „ვარ ბანგლადეშიდან, ქართული უნიკალური ენაა, მიხარია საქართველოში ყოფნა, სადაც ბევრი მეგობარი შევიძინე“, ჩემი პირველი ფრაზა იყო – მადლობა; „იაში მქვია, ინდოეთიდან ჩამოვედი სასწავლებლად, სამედიცინო უნივერსიტეტში გულითადი ადამიანები დამხვდნენ და საუკეთესო პირობები – ცოდნის შესაძენად. ლამაზია თქვენი ქვეყანა, განსაკუთრებით – ბათუმი და გუდაური მომწონს“.

გილოცავთ ქართული ენის დღეს! – მათი ერთსულოვანი მილოცვა მადლიერებას და სიყვარულს გამოხატავდა საქართველოსა და თბილისის სახელმწიფო სამედიცინო უნივერსიტეტის მიმართ, სადაც ისინი ქართული ენის კურსს გადიან.

მანანა ფხალაძე



9 აპრილის ტრადიციები 30 წელი გავიდა



9 აპრილის მოვლენებიდან 30 წელი გავიდა. საქართველოს დამოუკიდებლობის მოთხოვნით მონყობილი მშვიდობიანი დემონსტრაცია საბჭოთა კავშირის შეიარაღებული ძალების ნაწილებმა დაარბიეს, რასაც მშვიდობიანი მოქალაქეების სიცოცხლე ემსხვერპლა. ეს თარიღი თბილისის სახელმწიფო სამედიცინო უნივერსიტეტმა რამდენიმე ღონისძიებით აღნიშნა.

სტუდენტებთან და კურსდამთავრებულებთან ურთიერთობის სამსახურის და სტუდენტური თვითმმართველობის ორგანიზებით, სტუდენტები ეწვივნენ მედიცინის ისტორიის მუზეუმს, სადაც 9 აპრილისადმი მიძღვნილი შეხვედრა მოეწყო. ღონისძიებას უძღვებოდა თსუ-ის მედიცინის ისტორიის და ბიოეთიკის დეპარტამენტის პროფესორი, აკადემიკოსი რამაზ შენგელაია. მონაწილე სტუმრებს შორის იყვნენ: 1989 წლის ტრაგედიის დროს საქართველოს ჯანდაცვის მინისტრი – ირაკლი მენაღარიშვილი, ამავე პერიოდში თბილისის სახალხო დემუტატა საქალაქო საბჭოს აღმასკომის ჯანდაცვის სამმარ-

თველოს უფროსის მოადგილე ავთანდილ ჯორბენაძე, „საფრანგეთში მყოფ ქართველ ლტოლვილთა სათვისტომოს“ თავმჯდომარე, რომელმაც დიდი ღვაწლი დასდო საქართველოში დაბრუნებული ტრაგედიის შესახებ ევროპელთა სათანადოდ ინფორმირებას – ოთარ ზურაბიშვილი, საქართველოს ეროვნულ-დემოკრატიული პარტიის მაშინდელი პოლიტიკური მდივანი მამუკა გიორგაძე, თსუ-ის ვიცე-რექტორები: პროფესორი რიმა ბერიაშვილი და ასოცირებული პროფესორი ირაკლი კობრეიძე და სხვა საპატიო სტუმრები.

შეხვედრაზე გაიხსენეს 9 აპრილის მოვლენები. ბატონმა ირაკლი მენაღარიშვილმა ისაუბრა მომხდარ ტრაგედიასა და აღნიშვნა, რომ ექიმები პირნათლად ასრულებდნენ თავის მოვალეობას, იდგნენ იქ, სადაც უნდა მდგარიყვნენ და ყველა ღონეს ხმარობდნენ ათასობით მონამღვლისა და დაზარალებულის გადასარჩენად. ასევე, აუდიტორიას მიმართეს ბატონმა ოთარ ზურაბიშვილმა და ბატონმა მამუკა გიორგაძემ.

სტუმრებმა დაათვალიერეს მედიცინის ისტორიის მუზეუმი, სადაც ერთი პროფესიის ფარგლებში წარმოდგენილია საქართველოს ისტორიის თითქმის სრული სპექტრი. მათ მაღალი შეფასება მისცეს წარმოდგენილ ექსპოზიციას.

ამავე დღეს თბილისის სახელმწიფო სამედიცინო უნივერსიტეტის წარმომადგენლები: ვიცე-რექტორი, ასოცირებული პროფესორი ირაკლი კობრეიძე, სტუდენტებთან და კურსდამთავრებულებთან ურთიერთობის სამსახურის უფროსი მიხეილ დიაკონიძე, სტუდენტური თვითმმართველობის პრეზიდენტი ანა კაკაბაძე და სხვები ეწვივნენ 9 აპრილის მემორიალს და ყვავილებით შეამკეს ის.

თსუ-ის ვიცე-რექტორმა, ასოცირებულმა პროფესორმა ირაკლი კობრეიძემ აღნიშნა, რომ ეს დღე საკრალურია ყველა ქართველისთვის, თბილისის სახელმწიფო სამედიცინო უნივერსიტეტი ქედს იხრის იმ გმირების წინაშე, რომლებმაც 30 წლის წინ საკუთარი სიცოცხლე მიიტანეს სამშობლოს სამსხვერპლოზე და შეენიშნენ საქართველოს დამოუკიდებლობისთვის უთანასწორო ბრძოლას.

9 აპრილის მემორიალთან არაერთი მაღლიერებით სავსე სიტყვა ითქვა გმირების მისამართით. „ჩვენ არასდროს დავივიწყებთ მათ ღვაწლს და ვეცდებით ისეთივე თავდადებით ვიდგეთ ჩვენი ერის გვერდით, როგორც ამას 1989 წლის გმირები აკეთებდნენ“, – განაცხადა თსუ-ის თვითმმართველობის პრეზიდენტმა ანა კაკაბაძემ.



ლელა მუკაბანიანი

ამერიკული ბენდის კონცერტი თბილისის სახელმწიფო სამედიცინო უნივერსიტეტში



ამერიკელი მუსიკოს-მა პირველი კონცერტი თბილისის სახელმწიფო სამედიცინო უნივერსიტეტში გამართა

მნიშვნელოვანი და სასიხარულოა, რომ ამერიკის შეერთებულ შტატებში თსუ-ის სიმღერის და ცეკვის სახალხო ანსამბლის წარმატებული კონცერტების შემდეგ კულტურული ურთიერთობები ორ ხალხს შორის გრძელდება, რისი დასტურიცაა 15 აპრილს თბილისის სახელმწიფო სამედიცინო უნივერსიტეტში გამართული ამერიკელი მუსიკოსის და კომპოზიტორის, ტონი მემელის, კონცერტი, რომელიც ამერიკის შეერთებული შტატების საელჩოს მონაწილეობით, პროექტის – „ამერიკული მუსიკა საზღვარგარეთ“ – ფარგლებში ესტუმრა საქართველოს და რაოდენ მნიშვნელოვანია, რომ პირველი კონცერტი სწორედ თბილისის სახელმწიფო სამედიცინო უნივერსიტეტში გამართა.

აღსანიშნავია, რომ ტონი მემელი, გარდა იმისა, რომ პროფე-

სიონალი მუსიკოსია, კლინიცი-სტიც გახლავთ. სამკაცია ბენდის გიტარისტმა ამ კონცერტითაც დაადასტურა, რომ რთულია მასზე ითქვას „შეზღუდული შესაძლებლობების მქონე მუსიკოსი“ (ტონის დაბადებიდან არ აქვს ზედა მარცხენა კიდური). ის, თავისი აქტიური საქმიანობით, შრომისმოყვარეობის და მხნეობის მაგალითია ყველასთვის.

ღონისძიების მონაწილეებს მიესალმა თბილისის სახელმწიფო სამედიცინო უნივერსიტეტის ვიცე-რექტორი, პროფესორი რიმა ბერიაშვილი, რომელმაც აღნიშნა: „თბილისის სახელმწიფო სამედიცინო უნივერსიტეტის სახელით მიიწვი მაღლიერება გამოვხატო დღევანდელი კონცერტის გამო. ამ დარბაზს ბევრი საინტერესო ღონისძიება ახსოვს და, მათ შორის, დღევანდელი კონცერტი

გამორჩეულია თავისი მნიშვნელობით – ამერიკის შეერთებული შტატების საელჩოში, ამერიკელი მუსიკოსების კონცერტის ჩასატარებლად, თბილისის სახელმწიფო სამედიცინო უნივერსიტეტი აირჩია. აღსანიშნავია ორ ქვეყანას შორის ურთიერთობა არა მხოლოდ კულტურის, არამედ მედიცინის სფეროში. მნიშვნელოვანია, რომ ჩვენს უნივერსიტეტში მოქმედებს ფიზიკური მედიცინის და რეაბილიტაციის პროგრამა ჩვენს ამერიკელ კოლეგებთან ერთად, რომელიც ითვალისწინებს რეაბილიტაციური მედიცინის განვითარებას საქართველოში; ჯერ კიდევ 90-იანი წლებიდან თბილისის სახელმწიფო სამედიცინო

უნივერსიტეტს მჭიდრო კავშირი აქვს ატლანტასთან. სწორედ ორი ჯორჯიის ურთიერთობის შედეგად ჩამოყალიბდა და მოქმედებს თსუ-ის დიპლომირებული მედიკოსის ამერიკული პროგრამა. სულ ახლახან, თბილისის სახელმწიფო სამედიცინო უნივერსიტეტის სიმღერის და ცეკვის ანსამბლი იმყოფებოდა ამერიკის შეერთებულ შტატებში და ატლანტაში წარმატებული კონცერტებით აღაფრთოვანა მაყურებელი. ეს იყო არა მხოლოდ თბილისის სახელმწიფო სამედიცინო უნივერსიტეტის, არამედ ქართული კულტურის წარმატება ამერიკაში... ურთიერთობები გრძელდება, რისი დასტური დღევანდელი კონცერტიც გახლავთ“.

თსუ-ის აკადემიურ და ადმინისტრაციულ პერსონალსა და სტუდენტებთან ერთად კონცერტს ესწრებოდა ამერიკის შეერთებული შტატების ელჩის მოადგილის მოვალეობის შემსრულებელი ჯეფრი რენო, რომელმაც მიმართა შეკრებილ საზოგადოებას: „ჩემ-

თვის დიდი პატივია წარმოგიდგინოთ ამერიკული ბენდი და მისი სოლისტი, საინტერესო და ნიჭიერი მუსიკოსი ტონი მემელი; მინდა მაღლიერება გამოვხატო თბილისის სახელმწიფო სამედიცინო უნივერსიტეტისადმი, რომელიც მასპინძლობს ამ კონცერტს და მახარებს, რომ კონცერტს ამდენი სტუდენტი ესწრება.“

„ემოციური და შთამბეჭდავი“, – ასე შეიძლება შეფასდეს კონცერტი, რომელზეც ნიჭიერმა მუსიკოსმა, ბენდთან ერთად, საინტერესო რეპერტუარი წარმოგვიდგინა და მსმენელის დიდი მოწონება დაიმსახურა.

ნატო ბოლქვაძე



თსუ-ის ელჩის მოადგილის მოვალეობის შემსრულებელი ჯეფრი რენო

„სამედიცინო გაზეთის“ რედაქცია
 ვაჟა-ფშაველას გამზირი №33, ოთახი №600, ტ.: 254-24-64

რედაქტორი
 ლელა მუკაბანიანი
 კორესპონდენტები:
 მანანა ფხალაძე ტ.:555 29 98 27
 დარეჯან კომლაძე ტ.:558 17 08 47
 ნატო ბოლქვაძე ტ.:555 28 28 97
 ელ-ფოსტა newspaper@tsmu.edu